



石倉十二代詩選

明詩卷之八十六

國初高僧

閩中曹學佺閱

釋大圭

字夢觀

秋夕病中

夕雲歛中天月出萬象正  
九野聲影消平湖湛  
寒鏡驚風着露草棲螢光不定  
感新喟時物全  
氣颯已應扶羸捲前幔  
銷肌怯虛靜憂來復就  
枕蕭條發孤詠

趣上人蘿壁山房

歷代詩選 卷八十六  
我懷雲林居夏在蘿壁下幽花落窗扉秋藤覆  
欄瓦重巒紫翠深中有忘機者壁觀坐來久風  
骨更清灑聲沈萬境寂妄遣百慮舍何事支道  
林區區猶愛馬

偶地居爲瑾師賦

有生如浮雲閒踪本無着出門隨所之去住安  
可托茫茫三界內百年同旅泊瑾師了空相偶  
地得餘樂去歲辭東州今晨往南郭山褐秋風  
涼林鐘暮煙薄何處覓禪棲孤筇徧前壑

虛亭秋月爲實上人作

幽庭坐虛寂月出青松林流光入禪戶涼思滿  
衣襟六根淨無垢萬境亦消沈蕩茲着有想快  
我遺世心浩歌秋水篇聊續寒山吟

芥舟一首爲謝敬明作

客有列仙儒揚言芥舟子朝發崑崙隅暮泊扶  
桑淚萬象歸運載滄溟入杯水我欲從之遊可  
望不可邇浩蕩青冥中時聞棹歌起

弘上人蓄秋山圖

萬峰霜晴翠如洗峰底行雲度流水西北高樓  
爽氣邊江南落木秋聲裏蒹葭潮長魚在梁白  
鷗飛盡天茫茫松根丈人讀書處時有疎鐘來  
上方仙槎影沒銀漢遠木末芙蓉爲誰剪何處  
涼風送客船歸來似是東曹掾東曹頗笑未識  
機挂帆直待鱷魚肥山川搖落已如此不信草  
露沾人衣平生畫手不可遇坐閱新圖得真趣  
題詩寄與沃洲僧吾亦買山從此去

東坡遊赤壁圖

大江東流浩無極神斧何年開赤壁西風吹盡  
戰船灰翠壘嵯峨掃空碧秋清白露洗銀河水  
落空山見危石何處扁舟載月行眉山學士黃  
州客黃州老客不世才江漢波瀾深莫測自說  
前身盧道人謫向人間了文墨平生顧義不顧  
害徃徃長遭貴人斥策題謗息詩案典不免姓  
名歸黨籍何如斗酒魚十頭鼓櫂滄浪散胸臆  
目斷天涯望美人此時此意誰能識

題任少監百馬圖

燉煌水涸龍駒伏未央廡前秋草綠驢馳負石  
玉門關舊苑空餘三十六億昔高皇馬百疋駒  
駟車府無監牧只留太僕掌天閑不許田鴛食  
民穀古來貴良不貴多須信儉餘奢不足任監  
手畫百驂騮五色如雲散平陸八月風高水草  
甘飲嚙舒閒肆馳逐騅駟驪黃莫復辯水葉風  
花亂人目任公生遭太平世結思驅毫逞神速  
四海無虞百將閒無乃圖形華山麓吾聞善相  
東門京坐閱羣龍眼如燭帛家口齒謝家鬃皎  
皎那容在空谷爭如下乘得休安骨相雖凡好  
毛肉杏花煙外柳陰中鞞絡無加飽芻粟嗚呼  
此畫世已稀徒有千金未輕鬻老矣支郎俊氣  
銷撫卷空歌天馬曲

題溫日觀葡萄次韻

龍肩失鑰十二重驪珠迸落鮫人宮鑷刀剪斷  
紫嬰絡纍纍馬乳垂金風樹根吹火照殘墨冷  
雨松棚秋鬼哭蔗丸嚼碎流沙冰鴨酒呼來漢  
江綠鍊削蚪藤劔三尺雷梭怒穴陶家壁曇胡

醉起面秋岩一家摩尼挂空壁

與衍斯道賦天平白雲泉

山君夜移東海水分得靈泉白雲底老禪卓錫  
住泉頭坐看泉流與雲起湛湛寒光玉鏡圓波  
心照見蒼龍眠半峰秋色漾晴雪五丈石影浮  
青蓮南岳枯湫何足數惠山斷澗侵草莽邇人  
跑虎笑寰中何物品茶誇陸羽真源下極滄溟  
深欲探其委誰能尋涇清渭濁那復辯流行坎  
止俱無心我求范老讀書處遂向雲中間歸路

久嗟塵海混凡流細酌清泠得真趣臨池載拂  
焦尾桐水雲彈徹瀟湘空會分一滴化甘露坐  
令萬國皆清風

爲竹心道人賦綠倚堂

竹心老人心愛竹赤手栽成萬竿玉古色倚倚  
映翠簾金影䟽䟽墜秋屋滿天明月子喬笙半  
窗涼雨官奴燭老人積書如積金竹邊每置三  
千牘開門日日問平安呼酒時時飲新綠倚醉  
長歌淇澳篇驅愁不買玲瓏曲大兒方辭吏部

郎小兒未食官家祿傳家清事托吟編閱世間  
情付棋局嬉人何物瑠璃鉢披襟曬我琅玕腹  
孤筇有客扣青扉一笑下階迎健足錦章爛出  
五色雲快日不辭三過讀鍊翁仙遊艾翁老惆  
悵何由繼華躅我本山林厭塵俗食笋也知勝  
食肉說盡眉山玉版禪更待春雷動幽谷

題張一村畫山陰巖壑圖

張侯寫山工寫奇筆力可追王大癡鱸魚江頭  
一斗酒墨花散作秋淋漓前峰翠嶺如束笋後

峰盤擎來不盡突馬方驚灑瀨高啼猿忽覺蓬  
萊近水風離離開錦屏峽泉歷歷鳴瑤笋幽葩  
自炫晨露潔小草不奈繁霜零兵餘僧舍總搖  
落何意空林見樓閣十年碌碌走湖城重憶山  
陰舊巖壑秋來日日愁炎蒸解衣思濯松風清  
輕包錫杖從此去何處水邊無月明

題江濬遠晚翠堂卷

北風落木千山空海城偶見江文通自言老去  
才力減文錦不與先時同胸中雅蘊二三策雄

論僂僂劔鋒白抽簪早謝紫薇郎待詔懶爲金  
馬客黃柑林中屋數程翠峰如削開南屏湖雲  
散盡歸鳥急夕陽滿山煙樹冥明年欲鼓鄞江  
舵花外小舟須待我高堂重說歲寒期團露枝  
頭看碩果

題無盡法師所藏李白廬山觀瀑圖

九江西來廬山高飛流噴薄翻銀濤白日松頭  
雲花落青天雨脚秋聲號眼前傾覆何草草世  
路不須驚蜀道洗盡淫淫注兩耳清拍手雲中招

五老我懷謫仙歌浩歌涼風萬里來天河杜陵  
有客更相憶頭白不歸將奈何

天小題溪山小隱圖

自我初陟浮丘峰十年往還如夢中向來朱顏  
今白髮只有山色當時同青橙叢邊數間屋夜  
夜白雲檐下宿道人心境雲共閒嘯傲雲林謝  
塵俗橋頭野客行遲遲歸來似有東林期一聲  
清磬萬山暝知是上方禪定時

題方方壺畫



歷代詩選  
方壺老人年九十醉把金壺傾墨汁染得蓬萊  
左股青煙霧空濛樹猶濕危橋過客徐徐行白  
石下見溪流清仙家樓館在何處雲中彷彿聞  
雞聲古臺蒼蒼煙景暮藥草春深滿山路招取  
吹笙兩玉童我欲凌風從此去

自題趙希遠畫蟠松玉兔圖子昂趙公鑑記  
天水王孫重毫素愛寫蟠根萬年樹上有徂徠  
五色雲下有中山雙白兔清陰散作秋滿林咫尺  
高堂起煙霧丹桂吹香野菊黃玉葉金枝亂

無數迢迢錦水泛蒼鳧漠漠青天飛雪鷺人間  
畫手非不多自是王孫得真趣浮玉山人列仙  
侶雅與王孫同出處妙畫題來字字真兵後收  
藏乃奇遇宣和遺譜世莫傳良岳荒涼風景暮  
眼中人事已非前畫裏山川尚如故老我披圖  
一愴然落日長歌弔南渡

蓬萊山人爲鄒得中作

三山樓閣隔煙海清水黃塵渺何在瑤池幾度  
宴蟠桃金母蒼然雲鬢改蓬萊山人滄海客綠

歷代詩選 卷八十六  
髮童顏布衣窄養成雞犬服丹砂曾向瑤池掌  
仙籍習遊或在長安市咫尺毫端移萬里有時  
舉步青冥中笑引吹笙兩童子仙裳縹緲去復  
停風中環珮秋泠泠人間望之如列星揚言自  
說山人名翻身下視鰲頭鳥一勺滄溟眼中小  
揮手塵寰不可招風露無聲洞天曉

峨嵋高一首奉蜀王令旨題峨嵋山圖

峨嵋高高插天百二十里煙霞連盤空鳥道千  
萬折奇峰朵朵開青蓮黃金獅座聳岌岌白銀

象駕來翩翩晨鐘暮鼓何喧闐風林水鳥皆談  
玄十崖陰霧見玉佛六時天樂朝金仙月輪挂  
樹光團團平羗影落秋波寒目前勝境不可狀  
畫圖彷彿移巖巒吾王此地受封國大法付囑  
從靈山願憶靈山當日語五十四州均化雨化  
雨慈雲滿錦城佛刹王宮同按堵峨嵋高高萬  
古

送戒定巖往中竺

天竺諸山天下雄支那勝處惟中峰玲瓏不假

歷代詩選 國朝高僧 九  
五丁鑿飛來小朵金芙蓉懸厓嵌空不可上千  
歲神僧舒寶掌杖頭靈骨去無回世外高風猶  
足仰浮漚道人蒲室孫京都試執新承恩三衣  
欲挂稽留石一錫初辭白下門佛國迢迢松九  
里五月涼風清似水劫灰掃盡古巖前樓閣重  
開白雲裏送君此日懷舊遊別情渺渺隨江流  
月明何處寄相憶蒲林風露天香秋

送瑄蘊中住持處州南明禪刹

南風吹沙江雨晴道人挾錫辭神京金陵故舊

走相送柳枝折盡勞勞亭輕舟挂席二千里山

落南明如畫屏三平老禪獨跨虎谿頭撫掌來

相迎老禪高行世所重叢林草木皆知名高陽

洞口洗鉢處石門日暮聞鐘聲仙都勝境在咫

尺鼎湖龍去仙山青龍髯隨地化碧草服食壽

與天齊傾道人此地重經營兵餘樓閣猶崢嶸

蘭燈粲月夜皎皎天花吹雨朝冥冥龍河倦客

雙鬢星作詩贈別難爲情明朝悵望隔山岳少

微一點雲邊明

送現藏主往處州長樂

括蒼之山天下雄控引百粵橫西東高城月出海蓮白野亭鶯囀山花紅伍喬光芒映南服知有高人在林麓濛濛碧霧際江天冉冉閒雲蔽幽谷大峰嵯峨仙所都軒轅上天遺鼎湖川水秋沈莫耶劔石龍夜吐摩尼珠長樂山人樂禪寂捧檄東歸喜何劇江湖鷗鷺惜離羣叢社象龍趨法席恩波浩蕩廣如天五雲迴首蓬萊邊明年我亦訪遺逸獨騎白鶴來青田

賦得講經臺送石田禪師之虎丘

講經臺臺何高關中聖者說法處琪園白日天花飄千年化迹精靈聚碧草不侵臺下土聽法遊仙去復回詩魂夜夜啼秋雨青山削壁勢欲墮劔花照水芙蓉開霸業如煙去無迹象龍還繞香雲堆君登講經臺我折白門柳吳歌江上來不必陽關酒月明鐘鼓響空山白石纍纍齊點首

送祿天然往東山

白門柳色青垂煙春風曉送龍江船四明南望  
二千里十日卸帆鄞水邊丞相祠堂在何處花  
發東山今幾度謝傳高風尚可扳振錫玲玲入  
山去金鷲峰前啓禪室巨鼇夜戴三山出晨鐘  
吼徹寶谿霜粥魚催上滄漠日此行何以報君  
恩天花吹雨來繽紛登臨稽首望金闕晴空藹  
靄江東雲

送明照菴往江西北禪寺

大江西來山水雄臨川古郡多靈蹤青蓮梵宇

柘岡下五峰削出金芙蓉石門老著書處溪外  
茆堂依綠樹僧史流傳三百年猶有山靈爲呵  
護君今領薦向此行飄然去住浮雲輕獨携金  
錫度前嶺野花啼鳥爭相迎涼風蕭蕭吹客袂  
黃葉紛紛下庭際烹取當時露地牛好與諸郎  
同守歲

送珂月屋還處州分得清風峽

巨靈何年移五嶽石扇中開兩崖削峽中六月  
清風寒仰視青冥何漠漠碧溪泉脉海眼通白

日雪花人面落勾連石棧不可梯縹緲煙中見  
 樓閣山人不歸今十年幾度空林愁夜鶴帝城  
 遊覽豈不嘉還念仙都舊巖壑江淮雨過秋氣  
 涼金錫玲瓏度寥廓山川雖好母久留袈裟暫  
 挂西巖角玻璃筍內浴香泉早向雙溪問婁約

題錢選畫

太峰青蓮高千仞苔壁古招提隔層雲孤逕入  
 深塢鐘鳴谷口風木落溪上雨何處夜猿啼歸  
 帆下秋浦

文上人西麓圖

西崦幽居好新圖見巨然庭花妍露夕山果熟  
 霜天路隔王官谷人疑阿對泉何因營此地一  
 榻寄安禪

寄揚州僧綱彞長老

秋來淮上夢幾度到江都綺閣真虛習瓊花定  
 有無海田豐黍稷野水足菰蒲悵望天東月清  
 光永夜孤

送管時敏

送管時敏

歷代詩選  
相見驚新歲論交感舊遊春風揚子宅明月庾  
公樓白雪詞難金青雲志已酬別情何所似不  
盡楚江流

南池次王右軍韻

何處消長日池南景最閒卧看西嶺雪夢到沃  
洲山川水流無返溪雲去復還陽春誰和却人  
在鳳池間

客山陰寄湖上諸友

蘭亭燕罷送羣賢獨客歸來閉戶眠夜壑有聲

都是雨春山無處不啼鶻放歌強挹浮丘袂乘  
興難迴剡曲船因念少游平昔語孤燈相對益  
悽然

十七日謝恩奉天門

金殿重重護采霞天門賜坐擁袞裳尚方晨鉢  
分雲子中使春杯獻乳花雉尾風清天咫尺螭  
頭香煖霧橫斜聖恩特許還山蚤官柳黃時喜  
到家

二月三日泊瓜洲渡與吳菴同賦

淮煙漠漠夕陽收楚樹昏昏翳客舟風度鐘聲  
來北固帆將燈影過揚州雲銷碧海天無際波  
撼金山地欲浮獨恨壯遊非昔日滿江風景夜  
如秋

舜江楊邦彥家扁二首次劉允若韻

揚舲東下望羣山翠掃巫陽十二鬟藥草春風  
迷客路桃花流水異人間龍將白雨山腰起鶴  
帶青雲海上還支許風流吾所羨相將策杖問  
潺湲

三月廿八日早渡浙江

塵事縈心不暫安天涯憂抱若爲寬人因病久  
交游絕士到名成出處難水國雞鳴催客渡山  
城花落送春殘會當一壑忘情去得共雲松老  
歲寒

寄伯貞戴公

東望湘雲客思多故人歸計近如何江都夜月  
瓊花夢海國蠻煙荔子歌落日麒麟猶草野滄  
江鷗鳥亦風波碧桃窗下聽春雨誰肯金貂換



綠簑

題雲門翠微深處

溪閣重重翠崦遮無時雲氣濕袈裟千峰樹色  
藏朝雨六寺鐘聲送晚鴉筆塚天寒收柿葉香  
壇風落掃松花倦遊每憶消閒地早晚扁舟向  
若耶

過何氏山林

十年海國厭風波地老天荒此地過白髮幾人  
江上老青山無恙越中多社尋廬阜沙門遠詩

愛揚州水部何要看仙家碁局散不妨松下爛  
樵柯

答倪元鎮

禪榻清談屢有期茶煙想見鬢絲垂春風水榭  
停蘭漿夜雨山房寫竹枝甲煎沈香都入夢新  
蒲細柳總堪悲鷓鴣飛處重相憶擬和樊州五  
字詩

題張伯雨初陽臺倡和卷

笙管聲沈絲鳳飛朝陽出海散晴暉一時文物

推延祐五夜丹光起太微歲月無情詩卷在山  
川如故昔人非祇應湖上梅花月照見荒臺獨  
鶴歸

送無竭赴開化

鳴榔浦口發長歌子去南鄉幾日過眼底雲山  
吾老矣夢中煙雨夜如何斗城兵後居民少石  
鏡僧歸古刹多重覓留題何處是功臣堂在碧  
山阿

四月九日與斯道衍公登虎丘

紺宮海涌碧崔嵬曾是秦王駐蹕來虎右半銷  
金氣盡翠崖中斷劔池開巖僧掃月千峰淨山  
鬼吟風萬壑哀老我登臨春已晚落花吹徧講  
經臺

題耕隱爲王子安作

讀殘書卷雨聲稀耕破春雲曉色微瓦缶自傾  
蒼木酒金貂不換綠蓑衣江花未落秧針短隴  
草初深繭栗肥翻笑羲熙陶縣令田園荒後始  
知歸

歷代詩選 國朝高僧  
次龍門韻并柬宋憲章鍾仲淵

雪後龍門步早春老禪風骨淨無塵  
鷗絃白雪吟山鬼  
蠻楮烏絲寫洛神  
天近可招牛渚客  
月明長送虎谿人  
鍾繇宋玉工詞翰  
來往風流莫厭頻

二月二日早發湖口柬韓侯并似孫廣文  
暖風初散隔江煙  
黃帽催呼早發船  
夜雨自添沙草色  
春潮不動海鷗眠  
已開花縣良侯政  
更愛芹宮博士賢  
生齒漸繁民俗化  
倦遊今日是歸年

歸年

賦雪堂用千松老人韻寄能仁大徹法師  
雪屋高開似玉堂  
下看塵世沸如湯  
臨臯步履人堪畫  
剡曲迴舟興亦狂  
華散翠微朝講歇  
詩成白戰午茶香  
冰牀翻憶先宗事  
一滴醍醐莫謾嘗

七月十八日重過何氏山林與張守約全

賦

南塲新秋穀正花  
步從真侶入煙霞  
山林重過

將軍宅天漢初回奉使槎  
滿地江湖身是客  
終宵風雨夢還家  
十年爲說燈前事  
却望青雲路  
轉賒

送方藏主遊浙東

四明南望水雲寬  
振錫都忘道路難  
潮白小江過九堰  
天清大海望三韓  
頻伽聲落秋林晚  
舍利光騰古塔寒  
佛地徧遊歸及蚤  
慈闈鶴髮久凭欄

五月廿四日受諾奉天門

薰風金殿曉生涼  
紫誥新頒出尚方  
傍日捧來雲欲動  
自天題處墨猶香  
千年雨露沾華梵  
一代文章邁漢唐  
報答君恩知有地  
函經惟祝壽無疆

送寧藏主東歸

王謝溪山擅一州  
送君重感昔年遊  
白雲流水荒城晚  
黃葉空林古寺秋  
歸路先經神禹穴  
舊題多在偃王州  
却慚不及秦淮水  
去逐東行月夜舟

歷代詩選 國朝詩集 林叔平還松江次韻以餞

毳袍歸路北風寒白首趨朝懶拜宮車上塵來  
天欲暝船頭月落夜初闌故園舉目盤龍匯往  
事傷心唳鶴灘留得墨莊春意在看花不必到  
長安

無韻送楊知府之夔州

使君清白舊傳家夔府之官不憚賒蛇勢中流  
開八陣猿聲午夜落三巴蒼童不治庭前草紫  
馬時看陌上花戀闕丹心知更切定依南斗望

京華

次韻答葉夷仲

大荒南去渺煙沙萬里曾乘奉使槎得句多留  
支遁室藏書未減鄴侯家風清曉殿陳三策日  
靜秋庭判五花惆悵西齋涼月夜山梓誰共薦  
槐芽

題惠師霞城清隱

雙闕嵯峨入畫屏躋攀彷彿記吾曾江流似帶  
東西繞霞氣如雲日夜蒸華表未歸滄海鶴竹

房還在翠微僧題詩欲托新秋興却愧任翻兩  
度登

次韻答康郡馬

支許三生是舊遊遠征何必動新愁胡奴踈進  
葡萄淥宛馬驕嘶首宿秋雪外屯兵開鶴陣月  
中飛箭落旌頭要知別後相思處但看長淮日  
夜流

次韻答靈隱禪師

沈沈蓮漏滴初乾忽忽天涯歲又闌貝葉讀殘

香篆盡梅花吹斷角聲寒舊文每許閒人錄新  
句寧容俗眼看共喜太平林下客暮年生計托

蒲團

送瞬上人還越

越城煙樹曉蒼蒼歲晏征車驛路長禹穴書存  
懷太史曹娥碑斷帛中郎歸鴉半帶江雲黑佳  
菊都隨野草黃正是叢林搖落際天台木葉好  
流芳

欽和御製賜全室季潭泐禪師詩韻

坐卧經行總是禪身閒不出寺門前諸般放下  
原無累一念空來未有緣天上恩波深似海夢  
中塵業散如煙白頭歸向京城老荒却槎峰種  
芋田

題冶城道士山林隱居

城市山林孰是非塵居能與世塵違函關紫氣  
青牛到遼海秋風白鶴歸天鼓扣殘明月墮洞  
簫吹徹綵雲飛誰知寂寞江天外長使人間望  
少微

送寫照陳中復還四明

四明南下水悠悠三月龍江送去舟折柳獨憐  
今日別看花重憶少年遊病身自笑維摩詰圖  
象寧煩顧虎頭應念皇都桑梓地故鄉那復戀  
并州

雪洞

玉戶玲瓏巧製裁水壺皎潔絕纖埃千秋不解  
崑崙凍七日驚看混沌開花散瓊臺春不盡光  
浮銀海月初來道人坐久心源淨一水泠泠曉

定回

題紹禪師清碧山房

近峰如黛接平沙  
葑屋翛然道者家  
萬頃雪波魚散子  
半簾山雨鳥銜花  
金燈夜照胡僧錫  
銀漢初回漢使槎  
自古清江幽勝地  
會分禪室課楞伽

次韻答沈白雲

一自長干送別時  
幾看明月到巖扉  
黃金可就仙難學  
白雪重歌和轉稀  
洗劍滄江龍氣濕  
步

虛清夜珮聲微  
誰能謝却人間事  
獨數留侯早見機

題高題高彥敬竹木圖

尚書縱筆寫新圖  
古木踈篁半有無  
厓雨未收泉散漫  
山雪不斷雲模糊  
鳳鳴朝日來阿閣  
龍去秋天泣鼎湖  
前代風流那復見  
幾回清夢繞燕都

送葉無傳住楓橋寒山寺

何處招提隔遠峰  
姑蘇城外有靈踪  
雲埋虎阜



歷代詩選 國初高僧  
三  
千年石月落楓橋半夜鐘寒雁叫殘沙漠漠昏  
鴉歸盡樹重重泊船不見題詩客楚水吳煙自  
淡濃

遊廬獄

帆挂東風十幅蒲西行五日指匡廬柳垂湖口  
知彭澤山落船頭見小姑白雨亂峰皆瀑布紫  
煙高處是香廬茲行安得王摩詰爲掃蓮花社  
客圖

題畫

積雨平原煙樹重翠厓千丈削芙蓉招提更在  
秋雲外只許行人聽曉鐘

明皇小車圖

宮門日出乳鴉啼宮漏沈沈樹影低朝罷千官  
無一事車聲又過壽陽西

墨菊

義熙嘉本久塵埃誰剪幽香染麝煤秋色不如  
前日好晚風零落紫霞杯

遊白塔寺次伯溫鎬先生韻

春草禪扃路欲迷白頭遺慨故宮西  
鐘聲送盡寒潮水月落冬青杜宇啼

題日觀畫葡萄

短衣狂走至元僧醉唾驪珠十斛冰  
定起山樓寒月上一窗風影寫秋藤

題黃鶴樓圖

仙樓縹緲隔蓬萊黃鶴西飛竟不回  
倚徧欄干秋水濶征帆一葉漢陽來

題雨鷺絲

雨聲瀝瀝瀉秋荷雪羽翩翩映綠莎  
莫倚前灘棲息穩江湖一日幾風波

題太白少陵像二首

歌罷秦樓月滿闌天風兩袖錦袍寬  
花前莫草清平調飛燕深宮不耐寒  
關山雲冷笛聲秋一曲南征感舊遊  
滿地月明雙鬢雪斷腸今夜望鄜州

題墨菊

陶家舊本徧林丘野草無端亦姓劉  
典午山河

歷代詩選 國朝詩集  
無寸土籬邊分得一枝秋

題商學士畫蘭

商公握筆倚清酣愛寫風光藻半含無限王孫  
芳草恨盡隨煙雨入江南

題祥止菴畫潯陽雪意

我愛潯陽九疊屏芙蓉華蓋望中青誰將司馬  
琵琶淚灑作寒江雪滿汀

題華山圖

秋清仙掌淨無塵露洗蓮花玉色新函谷雞鳴

天下曉雲中猶有醉眠人

釋方澤

遊項少嶽南園看牡丹作

日暮天氣嘉言尋仲蔚家誰知蕭散地仍有豔  
陽花彩眩千重錦香蒸一片霞道人空色相聊  
復惜年華

杪春同諸友赴彭比部南湖之遊遂眺煙  
雨樓得開字

煙雨樓前霽景開乘風相與步虛來湖光倒寫

雲天入海氣平浮  
島嶼迴杯到欲辭  
花更舞春歸不盡  
鳥還催蘭橈向晚  
歌聲發總是清朝  
白雪才

賦閨七夕牛女

星筵前月沸笙歌  
銀漢仍今帝女過  
烏鵲橋邊重駐輦  
鳳凰機上復停梭  
香浮翠帳恩逾積  
羅結蛛絲巧更多  
獨有空山雲卧者  
僊槎無路欲尋河

溪庄卽事

寒逼西堂布被重  
江頭楓葉想應紅  
天明自起看霜色  
不在江頭在鏡中

入朝懷吳西洲

楓落吳江雁影斜  
燕京遊客未還家  
可能別有春風在  
不怕秋霜兩鬢華

釋宗泐 字季潭

空城雀

啾啾空城雀戀戀空城曲  
朝傍空城飛暮向空城宿  
草窠乳子成埽土  
翻身浴不隨鳳凰遊不

歷代詩選 國朝高傳  
畏鷹鷂逐野田豈無黍太倉豈無粟食粟遭羅  
網食黍傷箭鏃丁寧黃口雛飲水懷止足歲晚  
雖苦飢全軀保微族

俠客行

平生重然諾意氣橫素秋拔劍悲風吼上馬行  
報仇報仇向何處堂堂九衢路突上秦王庭直  
入韓相府回身視劍鏑血漬霜華薄敢持一片  
心爲君摧五嶽五嶽即可摧此心中不灰耻沒  
兒女手完質歸泉臺

南雁詞

胡雁向南飛八月湘江道水清菰米香兩岬被  
紅蓼栖息已自安飲啄良易飽不憂羅網危方  
矜羽毛好故鄉窮漠隕歸夢空自杳蕭條古塞  
春雪深沙浩浩

寶訓堂

聖君體皇極建國封親王全蜀形勢地西南控  
戎羗劔閣天下壯象馬稱瞿唐保障千萬祀崇  
德乃安康昭鑒有嚴訓寶之靡或忘服御既有

歷代詩選 國朝高僧 卷八十六  
節出入亦有常上承宗廟重下垂亂祚長開門  
看天宇白日行穹蒼中宵卷簾坐仰視北斗光  
羹墻契王意一飯在斯堂全圖洗滌世西南空

雜詩堂

少小薄世榮雲泉寄幽賞冉冉三十年誤身墮  
塵網流形大化內萬古同羈鞅得中久也安遺  
外非所強但望還山雲時時結遐想婆娑雙桂  
樹芳枝春正長

又孤情

自我來涇川星歲已再周託茲山水勝謂可成  
遲留奈何外物牽撫事心悠悠久知世道惡奚  
事仍夷猶林有奇鶴未嘗識羅浮翩然覓靈  
鳳接翅昆侖丘

題五龍山房圖

刻中東南奇若人緇侶勝一任忽十年禪房得  
深靜高扉敞重巖脩橋入危磴林端識名香水  
際聞清磬微茫度雲壑掩映披華逕長松支遁  
吟盤石曇猷定別來幾夢思游塵生塵柄晨窗

對新圖蕭條發孤咏

春雨吟

溪南有奇山不見二十日今朝雲忽去天高數  
峰出東風晚生寒細雨又復密坐觀微霧昇化  
爲白練幕側想巖居人林卧頭不櫛崖滑徑且  
暗何由采芝朮

病中作

此疾從何生形容遽憔悴默默求其端體弱易  
爲致始受寒熱攻恍然若沈醉兀坐強自持倒

卧終不寐朝聞樹間蟬意覺秋風至夜窗月逾  
明悲蛩攬情思嘗窺衛生術吐納運六氣呼童  
具杵舂稍復視藥餌今晨眼忽明展書識文字  
起遶中庭行兩足如重腿况逢亢陽災高旻尚  
炎熾秔稻化爲茹糲食恐不備一身固多患又  
復念時事不到無生域空爲有形累

冬夜憶清遠道初二兄

夜深霜氣寒窗月皎如燭鴻鴻尚遐征孤鶴亦  
驚宿念我平生親悵然動心曲四明是何處蒼

溪如在日異方詎能通遠道何由縮十年無一字信是如金玉白髮漸欺人晤言安可卜

寓興

水草冬不死豈為寒所侵巖松風力勁歲暮青  
清林念彼苦節士艱難持素心雖存太古操惜  
哉無知音守中固有道庶為君子欽

蘭窗詩為戴原忠賦

蘭生在深谷獨負幽貞姿一蒙君子賞遂與壘  
壑辭移植南窗下靡靡生華滋綠葉承曉露微

香散清颺美人結新愛似遇深相知取適會良  
友怡情吐芳詞自登栢臺選經歲忽若遺常恐  
霜霰侵復畏蔓草欺擷英欲為佩青年阻長期  
異鄉不可見天長有餘思

辛亥新歲程處士見過常熟別墅臨別賦

詩

獻歲春未迴風雨連十日荒村少朋歡窮巷絕  
人跡程君泛扁舟齋破幽寂遠來見真情疑  
言忘永夕願惟艱難際出處各有役世紛日相



歷代詩選 國朝高僧  
纏誰能念疇昔因君尚道誼臨別增太息獨棹  
去茫茫空瞻海虞碧

雜詩

落葉委通衢紛然無人掃但覩新行迹不見舊  
時道古木依道傍亂藤絡其杪歲暮終青青終  
非本容好世人懷徃途悟此豈不早振衣無後  
期來從漢陰老

樂樵

明時忘世士所樂在樵蘇自無鐘鼎念此心常

晏如清晨礪斧出孤雲引行裾薄暮負薪入明  
月照庭除新篳已在甕隣叟行可呼大瓢喜滿  
眼醉後歌嗚嗚青天若覆盂白日無根株不見  
北邙道貴賤同丘墟

偶地居

偶地卽吾廬絕勝林下宿不在千萬間安居心  
自足古人三十年辛勤乃有屋我無一日勞何  
必較遲速燕坐白日間青山常在日明月到牀  
前更深代明燭儿有寒山詩興來時一讀寸日

歷代詩選 國初高僧  
不出門蒲階春草綠

蘿壁山房爲趣上人作

石壁挂青蘿禪房在其下松枝栽作扉茆覆不用瓦若人百念忘襟懷自瀟灑行看鳩雲生坐聽巖泉瀉怡然朝復曛在已無取舍于中亦不存何有空與假

題畫

城居不見山披圖得佳趣茆茨隱石根槎橋入溪路欹崖勢若飛半嶺開晴霧將非夢境中或

是曾遊處如登華頂峰稍識蔓菁渡振衣寧後期松華滿春樹

江子瑜作

日出上山去日入負薪歸明月照茆屋涼風吹薜衣濁醪在瓦缶大白兀自持嚶嚶春鳥鳴載歌伐木詩不羨買臣貴不學犢牧悲軒車自高駕野雉從朝飛平生一丘壑此志良弗違田竇門易軌不知誰是非

贈安古心還山中

子來能幾時遠有還山想長笑輕別離一策晨  
獨往舊房青澗阿夜雨新泉響門前嘉樹林陰  
陰夏條長卽此人事絕遂爾長偃仰得句林花  
開彈琴山月上蕭散世念疎澹泊道心朗白駒  
空谷中誰能復羈鞅何彼名利人勞生在天壤

長安道

長安大道八達分道傍甲第連青雲夜月長明  
七貴宅春風偏在五侯門貴侯勢焰不可灸烈  
火射天天亦赤家僮盡衛明光宮侍史皆除二

千石一朝盛衰忽顛倒夜月春風亦相笑鳳笙  
龍管坐不來又向東家作新調東家車馬日已  
多向來賓從無經過貴賤交情總如此翟公何  
事歎張羅

風入松

高堂初宵山月明長松颯颯奏清聲清聲希微  
坐獨聽援琴細意寫將成調絃轉軫聲方起忽  
覺松風生繞指更深鬼哭巖前雲夜半龍吟潭  
中水一彈一奏聲緩促有似松風時斷續含商

流徵清復哀能使幽人聽不足聽不足琴忽罷  
此時寂寂松無風明月滿天涼露下

西極天馬歌

天馬來自西極流汗溝朱蹄踏石胸目逕度流  
沙磧天子見之心始降九州欲省民瘼瘡宛王  
何人敢私有貳師城堅亦難守等閑騎向瑤池  
前周家八駿爭垂首天閑飽秣玉山禾昔藉春  
來亦漸多感君意氣爲君死一日從君行萬里

交門歌

不其山頭月將午交門沈沈夜擊鼓博山火藝  
凝絳煙霓裳導騎來容與玉顏綽約含春花向  
坐君明君自覩君心有欲神不違側耳傾心聽  
好語雲收雨散意不傳起望星河獨延佇茂陵  
新樹起哀風五桂宮中淚如雨

隴頭水

隴樹蒼蒼隴阪長征人隴上迴望鄉停車立馬  
不能去况復隴水驚斷腸誰言此水源無極盡  
是征人淚流積拔劔斫斷今不流莫教惹動征

人愁水聲不斷愁還起淚下還滴東流水封書  
和淚付東流爲我殷勤達鄉里  
墓上華開滿枝行人看花行爲遲行人有恨花  
不知不生名園使人愛却生墓上令人哀誰家  
此墓臨古道寒食無人來祭掃莫是東君惜無  
主遣此閒花伴幽堦聊持一杯酒酌爾泉下客  
今日此花開正好但恐明日花狼籍人生似花  
能幾時古人今人皆可悲

道傍屋

道傍誰家有古屋主人在行人宿門戶蕭條  
四壁空野草依然映階綠春燕歸來細相認遠  
屋促飛疑不定徒令獨客久咨嗟無復高堂樂  
繁盛一從兵火照坤維十家九家無子遺願留  
此屋行人宿莫問主人歸不歸

烏啼曲

客舍門前古槐樹羣鳥啞啞啼不去烏啼解知  
人意苦遷客思親朝復暮五年生死無消息一

聞鳥啼淚沾臆汴水東流白日飛老親在南兒  
在北南地靈鵲北地烏烏啼報有平安書

送思上人還雪上

玄冬雨雪方載陰閉門黃葉和雲深重岡複嶺  
鳥不度豈有遠客來相尋憐君兩屐無新齒足  
趺荒途五百里捫蘿高陟麻姑壇芥冰亂涉琴  
高水爲我巖居十日留夜窗說盡東西州平生  
故人得消息既有新喜仍新愁我方無以慰幽  
獨子來何遲去何速山川悠悠錫影孤海濶天

高一黃鵠謝君相知未深厚索我詩詞我何有  
自嗟百挫英氣摧敢以文字誇人口君當盛年  
宜自強美玉雕琢爲珪璋明朝別後母相忘水  
晶宮裏涇川傍

東臯老人歌

東臯老人七十餘眼明能讀細字書年來不肯  
城郭住無事只愛東臯居東臯所居良不俗松  
竹桑榆翠圍屋前畦後圃花相映滿眼兒孫美  
如玉老人心中樂閒曠時時倚杖東臯上烏紗

側裏酒半酣日送飛雲度青嶂吾知老人與世  
違東臯幽處無是非吁嗟怵迫何所爲世間富  
貴多危機

墨竹行

平生不識雲心子墨妙通神有如此眼中何處  
倚竹林湘水邊頭煙雨裏長林蔽虧天爲陰鷓  
鴒啼斷江沈沈六月南風晝不熱人家住在叢  
篁深九疑山帶蒼梧野翩翩帝子雲中下鳳鸞  
飛舞蛟龍驤羽葆陰翳翠堪把我昔曾行賞溪

曲兩岍波光浸寒綠萬玉森森一逕遙溪口晴  
陰到山麓今朝看圖政自憐畫圖身世俱茫然  
雲心骨化丹陽土吁嗟墨妙何人傳

清源洞圖爲潔上人作

泉南佛國天下少滿城香氣旃檀繞纏頭赤脚  
半蕃商大舶高檣多海寶清源古洞尤絕奇花  
酒僊人顏色好蛻骨巖連太碧霄晉代青松三  
四抱高攀南斗不滿尋下視滄溟才一沼長年  
鐘磬度寥寥四月笙歌來擾擾青厓不雨飛白

泉紫澤未春生碧草鶴鳴洞口月蒼蒼猿挂樹  
枝風裊裊上方精舍秋葉紅山人不歸蘿屋老  
不須惆悵看畫圖去去長歌海天曉

戰城南

進兵龍城南轉戰天山道烽煙連平漠殺氣霾  
荒徼將軍重爵位天子尚征討不辭關死多但  
恨生男少

江南曲

泛舟出晴溪溪迴抱山轉欲采芙蓉花亭亭秋

水遠心非檣上帆隨風起舒卷但得紅芳遞何

辭歲年晚

喜清遠兄至以齊已詩長憶舊山日與君

同在沙十字為韻

一別動二紀累念山海長何期風雪裏來此溪  
上航乍見如不識大喜忽欲狂燈花解人意今  
夕爛生光

其二

因亂阻殊邦及見消往憶始愛道貌清復驚鬢



歷代詩選 國朝高僧  
毛白論新無少歡話舊有深惻坐久忽忘言芳  
梅照寒席

其三

良友平生親風塵散何許草莽或零落雲霄亦  
騫舉天地日淒涼羣芳欲誰與所嗟芙蓉花白  
露下秋浦

其四 表只至以齊日詩氣動書山日興林

少年同日居聞君拂絲桐高齋日照席兩耳生  
松風當時青雲士奇文詠空同往事春花歇江

水今自東

香坐其四

同遊賞溪曲清興浩無涯澄潭弄新綠芳溪躡  
晴莎綠厓采秋菊寒林摘春茶留連此中意  
期歲月賒

不懷以仁講師入觀圖

旭日千萬峰白雲三四朶一笑山容開獨自松  
下坐瀑流天上來花飛面前墮此時中觀成無  
物亦無我

送裕上人歸天台

我家赤城東不識華頂嶠遠道送君歸昨夜夢  
中到崖泓有泉瓢竹室留茶竈珍重山人中拂  
衣願同調

梅詠

天寒清礪阿貞姿照冰雪幽賞衆莫同孤芳爲  
誰發東園桃李春簫鼓夕猶咽君子天一涯微  
香坐消歇

送銛上人省親

青山澹斜暉驚風在高樹行客起遐思雙親髮  
垂素雲飛滄海遙雁下寒空暮老來惟夢歸隨  
君故鄉路

斷黃獨

雨歇林風涼草沒澗西路荷鋤入深幽石邊欣  
一遇長歌對白雲清風滿山樹向來垂涕人遙  
遙千載暮

酬張來儀見寄

東閣日無事能枉野人書坐想西巖菊寒花媚

歷代詩選  
秋餘闐闐車馬道赫赫王侯居寂寞揚子雲遊  
心在玄虛

風雪歸莊圖

山路獨歸翁手携一壺酒千林雪正深扁舟在  
溪口茆茨闕石根垂蘿穿戶牖江城看圖人幾  
迴興歎久

暮過賞溪

日暮衆鳥歸孤雲亦還山市人爭渡息小舟沙  
際閒我屋西峰下半出青林間鐘聲動深念無

爲尚塵寰

黃尚  
夜坐雜言次韻

老來百念忘外緣何用屏乘月坐更深和雲卧  
峰頂清燈靜照壁白髮垂到領尚懷分芋人寒  
巖甘息影

長林又賦

明月出東嶺照我窗牖間羣動夜方息白雲亦  
孤還緬想支遁林沃洲曾買山遠公竟不出逸  
駕安可攀

夜宿陝州

烈風振林木中夜聞號呼重衾冷於水照壁青  
燈孤念此苦寒月單車走長途明當度關去歲  
晏將何如

夢清遠兄

殘睡夜將晨分明見故人劇知情是妄翻說夢  
成真日月容顏老池臺笑語新三年消息斷江  
漢尚風塵

送瀾法師歸雲門

故山從此去何日更相逢獨倚千峰閣閒聽六  
寺鐘石林流水遶蘿逕落花封會有東歸興來  
尋雲外踪

暑病作

暑病只思卧坐來頭目昏愛涼頻換簟畏日不  
開門穴鼠窺人出林蟬入耳喧同袍來問疾想  
對默無言

陳簡校見過

何來鳳池侶着屐到巖阿溪雨曉初歇山花開

正多道逢方外合詩愛靜中哦寂寞禪房晚疎  
鐘出薜蘿

重谷夏本心

有約何曾至無期却自來暖憐沙上石清愛竹  
邊梅山鳥當琴几溪雲對茗杯桓公遺廟近乘  
興一追陪

閒行

林下可逍遙閒行意頗超幽花不礙路偃木自  
成橋度嶺何須屐斲泉豈用瓢無媒甘老去愛

爾草蕭蕭

喜王子謙見過

積雨林居僻俄驚使節臨不因今日話爭見古  
人心踈磬青蘿外流鶯碧樹陰松門閒不掩此  
後更誰尋

西閣爲脩師作

眷茲山閣小獨住一閒僧座冷浮青靄簷虛挂  
碧藤禽翻寒鉢水鼠飮夜窗燈愛爾不能懶時  
時爲一登

歷代詩選  
與徐伯廉再往南陵

又向南陵去招携良友同人煙千嶂裏客路百  
花中雉雊初晴日鶯啼滿樹風漸知精舍近清  
磬出林東

送玄極歸仙居三學寺兼寄固懷菴

昨夜共青燈今朝下碧層衣沾吳楚雪餽煮越  
溪水鄉寺居三學宗門尚一乘故人頭向白送  
爾思彌增

題漁樵圖

兩客此相遇百年天與閒  
艤舟臨碧岬吹笛對  
青山怪樹依巖老幽花笑日殷  
畫圖誰不羨塵  
土白摧顏

登相國寺樓

冬日大梁城郊原四望平  
雲開太行碧霜落蒸  
河清欲問征西路兼懷  
弔古情夷門名尚在無  
處覓侯嬴

題馬文德終南別業

別業終南下屯居異輞川  
豆生新雨後禾熟早

歷代詩選  
卷八十六  
望  
秋天明月池邊酌涼風樹下眠  
龔黃成底事青史舊空傳

南澗

携友過南澗  
槎橋顛斷虹  
烏啼青嶂外  
麋卧綠陰中  
繪笠迎秋雨  
樵歌落晚風  
謝公雙屐徤  
獨往杏林東

深居

山崦入重重  
誅茆第幾峰  
四簷青樹合  
一徑白雲封  
夜冷齊腰雪  
春陰破額松  
自來深處住  
樵

客不相逢

題畫

良工奪化工  
隨物寫形容  
可怪一尺素  
忽生千萬峰  
塢雲白冉冉  
巖樹碧重重  
忘却是圖畫  
出門携短筇

題鳳翔

驅車過鳳翔  
驛路入汧陽  
地接戎羌遠  
山連蜀隴長  
平川將盡處  
重谷轉荒涼  
明日關山道  
登高望帝鄉

歷代詩選  
兀坐

清曉澹無爲空齋兀坐時百年惟有懶萬事不  
求知松雨晴還滴茶煙起更垂何人共怡悅隨  
意獨支頤

巫山高

巫山高望不極十二危峰倚天碧陽臺神女徒  
盈盈艷質妖容果誰識襄王荒怪不足徵宋玉  
微辭豈堪惜至今雲雨自朝昏山鬼哀猿叫蒼  
壁

謝吳楚妃歎襄齊雲  
宮城禁兵夜簇簇君王不返宮中宿戎車彭彭  
雲夢林獵火煌煌漢臯曲章華臺前江水流君  
心如木無日休虎狼勅敵却不憂草間狐兔爲  
深讐

西典寄遠曲  
美人別時春尚早清池坐見芙蓉老湘江水滿  
鷓鴣飛夢中歷歷相逢道黃金可變石可移此  
心皎皎終不欺



雪舟圖爲王公擇作

小船載雪月明裏一色溪山夜如水巖前哀狖  
噤無聲沙上眠鷗驚不起引觴擊楫歌調清到  
門興盡非無情丹青豈必圖千載王氏風流今  
尚在

姑蘇臺歌

姑蘇臺上麋鹿遊吳江水映西山秋館娃宮樹  
迥不見落日荷花今古愁竭來豪客增樓櫓醉  
擁吳姬夜歌舞齊雲易逐浮雲空鬼火三更照

寒雨

墨竹歌

房山高侯愛寫竹一掃生綉數十幅風影翩翩  
此兩枝湘君遺珮湘江曲兵戈十年翻地軸零  
落殘紈如斷玉晴軒試挂驚老日素壁清飈蕩  
寒綠木向東流木盡只難存人良良亦賦紙木

度關隴一首數眼

隴頭流水關山月月色淒涼水嗚咽今古征人  
盡斷腸野客經過亦愁絕連林二月水不開猛

虎一吼蒼崖裂鸚鵡能言好寄書心事茫茫向  
誰說

淮之水一首送別

淮之水向東流水流只載行人舟舟行如飛水  
如射一日可到吳江頭何不載此離情去擲向  
天涯不知處濠梁有客今白頭望斷孤雲海天  
暮

回朝次韻

日華初轉萬年枝西武樓前賜坐時獨荷聖情

親有問敢言吾道獨無爲寶爐嫋嫋天香細紫  
閣沈沈晝漏遲歸路鍾山纔咫尺晚涼松下賦

新詩

王堂病中作

身老那堪病更纏小齋欹枕抵高眠階前秋雨  
連三日籬下黃花自一年摩詰不知除病法嵇  
康空著養生篇尚方再賜千金藥慚愧皇恩下

九天

送羅斛使者郭元恭歸國

卷八十六

七

歷代詩選 高僧 卷八十六 上

危檣鉅舶在津亭一曲商歌酒半醒新水滿江  
過北固長風十日度南溟瘴雲起處桄榔黑毒  
霧開時島嶼青使者應知隆禮待皇仁無外說  
朝廷

送詹承旨致仕還鄉

玉堂學士老歸田聖主垂情賜寶篇辟穀張良  
方遂志散金疏廣共稱賢晴江畫舫波濤穩秋  
圃黃花雨露偏應夢榻生催草詔夜深宮使送  
金蓮

因夢和程續古秋日見過兼次韻

上方高處古禪關一曲清溪萬疊山松樹不嫌  
僧共老菊花應笑客能閒西風峴口孤帆轉落  
日林邊獨鳥還一自兵餘行樂少且須今日盡  
歡顏

乘天送王惠芳之金陵

涼風送棹送君初秋雨荒溪草樹踈十載丹陽  
舊遊地數封燈下故人書已看有志能投筆豈  
謂無門可曳裾後日天邊見鴻雁憑將消息問

何如

錢塘懷古

欲識錢塘王氣徂紫宸宮殿入青蕪朔方錢騎  
飛天塹師相樓船宿裏湖白板不知南國破青  
山還傍海門孤百年又見城池改多少英雄屈  
壯圖

送憲上人歸臨海龍華寺

菊花開日問歸舟三載錢塘已倦遊舊業池臺  
因夢去異鄉風土為誰留白雲山寺楓林晚黃

橘人家海岬秋珍重而翁好懷抱幾時同倚夕  
佳樓

搔首隋堤落日斜已無遺柳可棲鴉岬傍昔道  
牽龍艦河上今來走犢車曾笑陳家歌玉樹都  
從后土看瓊花四方正是無虞日誰信黎陽有  
鼓笳

送懷以仁歸雪竇

此日重歸乳竇峰筇輿十里度松風月明谷口

聞猿嘯雨過崖前見虎蹤下界任從滄海變舊  
房應計白雲封暮年相送情何恨安得還山志  
願同

秋江夜泊圖

舊遊不省是何年曾向山陰夜泊船鐘磬遠來  
青嶂外帆檣欹出碧灣前蘆洲月白雁初下竹  
屋燈紅客未眠欲訪支郎無處覓至今清興尚  
悠然

次韻錢塘懷古

山川形勝說錢塘海接江流入混茫百五十年  
成底事一丘衰草委斜陽

人標春江曲

春江沈沈春水滿柳條拂水蒲芽短鴛鴦睡美  
不畏人月色遲遲素沙暖

武士銅雀臺

西陵樹色暮蒼蒼明日相將入御牀寂寞帳前  
歌舞歇幾人含涕憶君王

長安少年行

歷代詩選  
高傳  
五  
日晚新豐醉酒廻玉鞭敲鐙萬人開綠槐馳道  
橫穿過不管金吾導騎來

秋日錢塘雜興

處士梅花千樹盡蘇公楊柳一株無向來畫舫  
今何處落日西風墊水湖

春山訪胡守中不遇

入郭尋君不見君柴門閒對一溪雲空山積雪  
無行路何處今朝有鹿群

山川徽宗雪江獨棹圖

艮嶽秋深百草腓胡塵吹滿袞龍衣淒涼五國  
城邊路得似寒江獨棹歸

山水圖

綠水青山茂苑西荷花開徧越來溪漁郎蕩漾  
灣頭去五月深林謝豹啼

白頭題徽宗山鵲圖

落日黃塵五國城中原迴首幾含情已無過雁  
傳家信獨有松枝喜鵲鳴

觀吾子行仇山村詩作絕句吊之

吹簫人去竹房空  
海內猶憐學術工  
最是西泠橋畔路  
淡煙疎柳夕陽中

題天台歸老圖

白頭天外未歸人  
江上看圖愧此身  
閒却溪頭半間屋  
桃花流水幾經春

山水圖

危峰削玉出雲端  
仙館霜清古木寒  
記得匡廬秋雨後  
以郎湖口倚蓬看

何

竹外茆齋椽下亭  
半池蓮葉半池菱  
庄牀曲几坐終日  
萬疊青山一老僧

寄東軒

黃菊初開白露零  
淮河水落暮山青  
一聲雁度秋雲冷  
坐到黃昏月滿庭

菴空次日以中西塘卽景

落日雞鳴埭  
何人射雉回  
北湖山月上  
相送暮鐘來

釋來復

字見心與宗泐齊名

遊石湖蘭若

荷花蕩漾湖水深  
上有蘭若當高岑  
客吟時見猿鳥下  
僧定不聞鐘磬音  
雨香秋林橘子熟  
雲落空礪棠梨陰  
閒來掃石坐竹裏  
靜與山人論素心

寄贈洞庭葉隱君

一舸南歸髮欲華  
買山湖上卧煙霞  
樽如北海應多酒  
園擬東陵亦種瓜  
丹壑泉春雲碓藥  
橘林風掃石牀花  
傳家自與鄰翁異  
見說藏書有

五車

西湖二首

芙蓉灣口綠陰斜  
吹笛何人隔彩霞  
驚起沙頭雙翠羽  
銜魚飛上刺桐花  
流觴亭子鳳山阿  
都護行春小隊過  
笑擲金錢花底醉  
玉簪弹出白翎歌

浪釋妙聲

號九阜  
吳縣人

題虎丘寺

有客題詩海湧峰  
高懷渺渺託冥鴻  
勾吳伯業



歷代詩選  
高倫  
荒煙外梵塔觚陵杳靄中石坐千人亭可月劔  
埋三尺水還風目前無限登臨意古木蒼藤叫  
郭公

釋良琦

趙王孫仲穆作看雲圖高士顧仲瑛索予  
同題于茗溪之上

舊遊清茗上愛看弁峰雲稍將春雨度始見遠  
林分起滅悟真理逍遙遺世紛於焉自怡悅永  
懷陶隱君

釋溥洽

字南洲山陰人洪武  
間僧錄司左善世

應制題江東橋

西出都門見石橋虎城千雉共岩巖浮龜曉渡  
江流穩役鵲晴瞻漢影遙華表月明清露濕欄  
干日近彩雲飄四方車騎多如雨舉目應思谷

聖朝

釋宗衍

字道原

送樂子儀侍兄之京路晴且舖  
祖帳閭門外送君江水濱關山深積雪蠻海尚

歷代詩選  
卷八  
五  
飛塵獻策思奇士觀光得上賓  
棣花行處好楊柳別時新  
解纜占風色登程記月輪  
預期當到日猶可見殘春  
苜蓿能肥馬蒲萄解醉人  
衣冠如蒙前席問先願及吾民  
石湖閒居  
過懶愧前垢晨起亦已勤  
開門掃積葉苔色一何新  
不知何夕雨餘濕未生塵  
初日照脩竹青山可憐人  
俯仰衡門下誰知此意真

遣興

龍化不改鱗士達不改身  
借問當路子如何棄賤貧  
仲尼稱大聖原壤乃狂人  
光武有天下嚴陵實隱淪  
故舊不可忘何況師友親  
嗚呼千載下此道如埃塵

獨坐

客至固足喜不至靜亦佳  
柴門終日掩風過有時開  
豈不念笑言輕易交成乖  
庭柯有好鳥衆音何喈喈  
晨征暮來止乃與我心諧

東畢為陳隱君作

晨光散蒼涼灌木露未晞衆鳥各相命遲遲出  
林飛豈不畏網羅所苦渴與飢人生有常業胡  
為不知歸東畢春雨深地澤黍豆肥理荒朝荷  
鋤迫暮返荆扉筋力固疲倦庶幸無裊機鹿臺  
多黃金首陽悲采薇且自食吾力焉知彼是非

雜詩次俞伯陽韻

無營百慮省有作慮乃多空林無客過寂寞顛  
山阿果熟風自落蛛絲當戶羅斷蓬非無根落

木亦有柯所懷願不獲抱恨將如何白雲悵悠  
悠回首聊詠歌

意無靜趣軒

躁靜失本性滯寂聖所訶不有止觀可欲靜動  
愈多道人非避世偶此住山阿幽侶不到門况  
聞車馬過閒雲謝冗跡止水無驚波山光明戶  
庭定起聊婆娑擾擾奔競者聞風意如何

感興

兩楹當我門昔種不盈把十年各長大我屋在

歷代詩選  
其下風吹枝崢嶸壞我屋上瓦伐椳傷屋甚小  
過且容捨樵兒驅之去不去反怒嗔豈不有曲  
直但念是比隣  
遣興  
清晨啓重門童子淨灑掃披衣視天宇野曠日  
杲杲憶昨懷故園似遭青山惱一捐彼此念適  
意無不好我性真坦率逢人輒傾倒非關渠我  
欺擺落自不早涼颼吹衣裳溪色映青稻飲水  
讀我書逍遙以終老

對菊有感

百草競春色惟菊以秋芳豈不涉寒暑本性自  
有常疾風吹高林木落天兩霜誰知籬落間弱  
質懷剛腸不怨歲月暝所悲迫新陽永歌歸去  
來此意不能忘

題韓畫馬圖

唐朝畫馬誰第一韓幹妙出曹將軍此圖無乃  
幹所作世上有若真空羣雙瞳精熒兩耳立蘭  
筋束骨皮肉悉何年霹靂起龍池五花一團雲

歷代詩選 卷八十六  
氣濕當年天子少馬騎遠求烏孫詔寫之卽今  
內廡多如蟻縱有騏驎畫者誰

中山堂爲許隱君作

俗子居山不見山靜者居廬山在眼請看東郭  
許隱君中山之堂最蕭散堂前種竹堂後萱春  
深笋長萱花繁大兒稱觴壽花下小兒讀書當  
竹根城中無山亦可樂城中有虎仍戴角歸來  
不愁虎食人閉門日醉中山春

萱庭春意爲胡景仁作

春庭種萱春日長春風吹衣春酒香閉門讀書  
毋在堂百畝之稻五畝桑萱能忘憂無憂可忘  
晨羹須調不須鯉婦善奉姑姑自喜阿孫來來  
花下戲慎勿傷花失婆意

晚涼懷故山

疎林生晚涼微日暎書幌南山澹相對幽磬時  
一響懷歸見素心感舊發遐想稍待秋橘香風  
汗蕩雙漿

浴罷

浴罷振輕袂漱齒汲石井木落歲已秋山深夜  
逾靜細詠餘幽響清心寄真境松門涼月陰挂  
杖一僧影

啄木

啄木江南飛螽虫生上林江南亦有蠹不聞剝  
琢聲螽種日以滋木病日以深啄木不啄螽孰  
慰鳳凰心

墨蘭

楚雪春已晴沅湘水初滿去年故葉長今年新

葉短波明碧沙淨日照紫苔暖不見澤中人江  
南暝雲斷

遺興二首

涼風一葉落志士感其微豈但振爾木寒將裂  
我衣治田去稂莠所憂稼穡稀君若不見察善  
類將安歸

紫蘭生幽林聊與衆草伍青蠅亦何物天乃傳  
其羽鴟梟紛翱翔鳳鳥不一觀自古已云然今  
人况非古

楞伽寺得月屋

月出湖水滑清輝  
映林屋山明秋樹靜  
照見幽鳥宿  
開門誰遣入  
俯礪近可掬  
道人猶未眠  
經聲出深竹

吳江晚泊

風槩三洲接江湖  
一水分虹消滄海  
雨日落洞庭  
雲客意終難盡  
漁歌不厭聞  
長思陸魯望  
不出可忘君

野鷄毛羽好

野鷄毛羽好  
不如家雞能報曉  
新人美如花  
不如舊人能績麻  
績麻作衫郎得着  
郎見花開又花落

題川船出峽圖

瞿塘險爲三峽門  
兩岫束憑洪濤奔  
千丈江船萬斛力  
一篙失勢原無根  
前船纔過後船出  
蜀商來往無虛日  
君不見人間行路難  
咫尺風波永相失

題扁舟醉眠圖

歷代詩選  
秋高傳  
李  
江水蕭蕭江岫風泊舟不歸何處翁鼃鼃出沒  
浪如此爾尚醉遊春夢中空山雲深白日靜松  
聲如濤屋如艇歸來歸來母久留不歸恐君將  
覆舟

秋興

一別空山舊草亭衣裳五見點秋螢沙沈短艇  
餘菰米苔卧長鏡老茯苓弱水蓬萊那可到瞿  
塘灑瀨不須經歸帆早晚吳波裏嫋嫋涼風望  
洞庭

題趙松雪墨蘭

湘江春日靜輝輝蘭雪初消翡翠飛拂石似鳴  
蒼玉珮御風還着六銖衣夜寒燕姑空多夢歲  
晚王孫尚不歸千載畫圖勞點綴所思何處寄  
芳菲

錢塘懷古

鐵馬悲鳴汴水黃翠華南渡駐錢塘至今父老  
稱行在往昔君臣認故鄉銀海雁飛虛夜月銅  
盤仙去只秋霜乾坤離合寧非數詩罷長吟意



渺茫

題仙山樓觀圖

琅玕珠樹隔煙霄  
仙子樓居積翠遙  
羽化夢憑玄鶴返  
丹成身與白雲飄  
杖隨麋鹿山深淺  
釣掣鯨魚海動搖  
想像虛無圖畫裏  
秦王漢武若為招

子熙兩和詩寄再用韻以答

梁甫吟餘自荷鋤  
南陽非復舊門閭  
春愁亂逐楊花起  
秋興頻將柿葉書  
水落楚江尋瘞鶴  
草

荒吳苑問蒸魚  
遠遊憶母還歸省  
安得雲萍有定居

次韻瑛石室謝事雪竇歸吳江

草堂舊在吳江上  
江水江花照眼明  
久客歸來渾似夢  
比隣相見不知名  
萼香笠澤思張翰  
瓜熟青門憶邵平  
一夜西風吹白髮  
挑燈因自賦秋聲

次韻春日西湖懷古

當時翠輦此經過  
天馬玲瓏撼玉珂  
宴罷湖山

芳草合歸來  
風雨落花多  
子規夜半啼  
宮樹翁仲春  
深帶女蘿  
自古興亡多  
有此不須惆悵問如何

又

錢塘父老眼看天國破  
尤能話昔年  
江草忽嘶關北馬  
風帆不返海南船  
空陵落木無人掃  
廢苑餘花只自妍  
此日西湖回白首  
功名若箇在凌煙

送友人遊溫台

天台雁宕好林丘  
水竹風杉寺寺幽  
路轉山腰斜避石  
渠通泉眼細分流  
經過遂欲留佳處  
險絕何須到上頭  
八月錢塘望歸棹  
江潮如雪倚江樓

寄李太無

不見能詩李謫仙  
東湖吟望兩經年  
丹光迥出青雲上  
紫氣長臨碧海邊  
擬對櫻衣論礪竹  
更留茆屋賦江蓮  
疎鐘細磬匡山裏  
頭白歸來也自賢

輓王非隱

王衍風流絕世無  
璫林玉樹映珊瑚  
夢回忽弃沈香楹  
歌罷空餘玉唾壺  
杳杳縹緲山飛鶴  
漪漪白石沒雙鳧  
輞川池館煙花裏  
他日相思展畫圖

題小畫二首

山色明人眼  
江風冷髮絲  
都將身外事  
拂石坐移時  
秋高山氣佳  
木落江水靜  
意固不在魚  
魚驚釣

絲影

石菖蒲

露長纖纖葉  
春添細細根  
生涯惟水石  
幽意自乾坤

擷芳圖

憶行沅湘間  
采擷動盈把  
路遙莫致之  
想像為君寫

題懸崖蘭圖

居高貴能下  
值險在自持  
此石或可轉  
此根終

不移

吳江晚泊

無數舟航共晚晴  
大星先見月初生  
荷人白鳥雙飛去  
隔水幽花一樹明

漁村夜歸

絲絲暖雨歇春潮  
雲壓江流落澗橋  
欲訪桃花無路入  
好風時度玉人簫

釋金西白

次韻李希顏同知登吳山有感

鳳舞龍飛運已更  
江流難挽幾傷情  
荒陵烏雀聲如怨  
故國風雲氣不平  
冠蓋偶然尋勝地  
旌旗且莫指邊城  
登高別醉黃花酒  
更擬重陽一日晴

乙巳清明泊舟柳胥浦

柳胥浦上綠楊邊  
客裏清明繫客船  
莫遣桃花作紅雨  
且看榆火散青煙  
笙歌謾說承平日  
耕作深期大有年  
邂逅農人即相慰  
軍儲無限望吳天

題梅竹雙清

孤山不見林君復借宅空懷王子猷  
愛爾雙清須賦詠令人千古想風流  
綺衣春夢三更月翠葆涼聲幾度秋  
莫把琅玕製成笛虚心應為落花愁

錦莊漁隱為醫士作

錦莊園林錦不如幽深彷彿神仙居  
舍南舍北曠栽杏水落水生惟釣魚  
嚴陵終辭光武祿郭玉素受涪翁書  
眼前生意日已廣桃源雞犬同

村墟

詹文同學士奉詔求賢以詩見寄次韻答之

學士求賢親奉詔少微光動五雲深  
相如已出子虛賦諸葛休為梁甫吟  
堂倚九重題白玉臺高百尺置黃金  
此行入奏天顏喜紅錦袍成賜

墨林

釋笑堂

秋日送二徒之京

歷代詩選 補高傳  
客路逢秋意慘悽吳歌楚些聽如迷海天一色  
雁雙去山月半窺猿自啼心動故園頻入夢詩  
因在景易成題孤霞落霧西風外更向何山去  
托棲

釋道超

追和本寺第五代南海珠和尚和永明禪

師山居詩二首

此界西方法一同西來東土總皆通少林密旨  
傳無盡大藏經文演不空剗草鋤雲爲祖業敲

牀拂豎振宗風山中城裏皆名刹却是從前造  
化工

山巒青翠瑞雲濃雲散天清處處通此際安居  
千日會昔時曾坐九年功庭前月朗通宵白窗  
外花開滿樹紅衆鳥銜花無覓處牛頭一祖是  
真融

釋天祥

日本人

寄南珍

上人居處僻心與石泉清道在偏違俗身閒不

歷代詩選  
卷八十六  
用名空階松子落雨遙蘇花生怪得稀相見年  
來懶到城

題龍關水樓

此樓登眺好終日俯平湖葉盡村村樹花殘岬  
岬蘆漁翁晴獨釣沙鳥晚相呼何處微鐘動雲  
藏島寺孤

山齋次韻惟心見寄

世間無住着林下且棲遲映戶幽花發侵階亂  
竹垂老年銷記性餘習未亡詩此意難爲說西

峰道者知

贈李生

異域無親友孤懷苦別離雨中春盡日湖外客  
歸時花落青山路鶯啼綠樹枝從今分手後兩  
地可相思

送僧歸重慶

東西千萬里來去一身輕碧鳳山前別黃梅雨  
裏行江長巴子國地入夜郎城昔我經過處因  
君動遠情

哭宋士熙

衆山搖落候那恁哭先生老眼非無淚深交最  
有情人猶惜才調天可厭聰明書法彛詩律空  
留後世名

呈同社諸友

君住峰頭我水濱相思只隔一重雲夜燈影向  
空中見晨磬聲從樹杪聞咫尺誰知多役夢尋  
常心似遠離羣今朝偶過高樓處坐接微言到  
夕曛

夢裏湖山爲孫懷玉作

杭城一別已多年夢裏湖山尚宛然三竺樓臺  
晴似畫六橋楊柳晚如煙青雲鶴下梅邊墓白  
髮僧談石上緣殘睡驚來倍惆悵可看身世老  
南滇

長安春日作

何事長安客春來思易迷樂遊原上草無日不  
萋萋

榆城聽角



十年遊子在天涯一夜秋風又憶家恨殺葉榆  
城上角曉來吹入小梅花

暮春病懷

落花盈砌雨絲絲九十春光又別離行樂送春  
猶有恨那堪多病過花時

釋機先

日本人

長相思

長相思相思長有美人今在扶桑手攀珊瑚酌  
霞氣口誦太乙朝東皇鯨波摩天不可航矯首

欲渡川無梁去時遺我瓊瑤章蠻牋半幅雙鴛  
鴦鴛鴦不飛墨色改攬涕一讀三斷腸前年寄  
書吳王臺西湖楊柳青如苔今年東風楊柳動  
鴻雁一去何當回欲彈朱絃絃斷絕欲放悲歌  
聲哽咽孤鸞夜舞南山雲花漬簾前杜鵑血思  
君不如天上月夜夜飛從海東出月明長傍美  
人身美人亦近明月輪褰衣把酒問明月中宵  
見月如見君長相思長如許千種消愁愁不消  
亂絲零落多頭緒但將淚寄東流波爲我流入

扶桑去

寄西山石隱

碧鷄山上雪想可埋巖房老僧凍不死燒葉生  
微陽我欲往從之杳杳川無梁日落尚延佇心  
隨歸鳥翔

送別

天書召賈生匹馬出滇城白首相逢處青雲送  
別情山經巫峽盡水到楚江平好獻治安策殷  
勤答聖明

挽逸光古先生

昨日來過我今朝去哭君那堪談笑際便作死  
生分曠達陶徵士蕭條鄭廣文猶憐埋骨處西  
北有孤雲  
送僧歸石城  
月照空山鶴在松夢中猶聽石城鐘今朝又向  
江頭別目斷孤雲意萬重

釋守仁

送曹公北征

歷代詩選 國朝高僧  
三  
鞞鼓動春城王師向北庭長驅沙漠遠淨掃虜  
塵腥青海休傳箭燕山早勒銘先生勲業在麟  
閣耀丹青

送韓希魯之費縣丞

北闕拜新除南泝候使車山川壯齊魯河濟入  
青徐落日牛羊散涼風草木疎哦松有佳句早  
寄白雲居

釋德祥

剪燭

風處搖金蛹煙時閃墨鴉寸心終不寐雙淚欲  
橫斜漸過分詩刻虛開報喜花剪聲初落指滿  
席散春霞

元夕

上國當元夜金吾不禁行笙歌喧甲第燈火燦  
王城萬戶春同色千門月共明舉頭天路近不  
敢縱歌聲

圭禪師書至賦詩答之

姑蘇城下別兵前水北雲南事可憐一紙書來

開不得傷心猶恐說當年  
釋懷讓

經廢花徑寺

畫壁暗塵凝蘿龕冷佛燈壞垣歛老樹古榻擁  
殘僧齋斷禽長散樓傾客畏登生涯同豸泡興  
廢總難憑

登江心寺

古刹中流見孤高絕世氛談經聚螺女鳴磬起  
龍君江濶涵青漢窗虛度白雲更看雙樹外花

雨亂續紛

自京師回至江寺聞梵

禪宮仙梵起泠泠一派餘音隔翠屏亂逐怒濤  
翻海島微隨落葉散林坳月明馴鹿銜花至晝  
靜神龍擁座聽十載功名塵土夢今朝却向此  
中醒

尋竹隱寺

聞鐘識寺遙小逕緣雲入日暮崑嵐歸秋衣不  
知濕

歷代詩選  
國朝詩集  
獨坐

悠悠佛境清擾擾衆喧歇閒持一卷經坐對千  
峰日暮計劉寺

中興宮女讀書

院院燒香禮月星笙歌一派隔銀屏垂簾正誦  
周南什不省羊車過後庭

釋性空

書懷

古剎小江邊棲遲又幾年一從披壞衲便覺斷

塵緣睡鶴同秋夢孤猿伴夜禪還期扶短策遠

上鷲峰巔

釋無言

登寶叔塔

樓臺高百尺氣壓勢岩巖塔影斜侵漢鐘聲遠  
送潮崖深藏日月地迥絕塵囂卽是清涼境何  
須問石橋

釋大啓

寄題虛上人禪室

歷代詩選 國朝高僧 詩  
一室千峰裏超然絕世氛遙知孤坐處長鎖半  
龕雲鉢靜看龍卧窗虛見鹿羣心期未能到佳  
境亦空聞

釋道乾  
燕日且此  
翠色遙連薜荔陰紅塵一點未能侵沾泥會上  
登山屐帶雨常綠掛壁琴曲徑蝸蜒凝處濕閒  
庭鶴迹印來深青錢滿地從教拾難當遊人貫  
酒金

釋智潤

登安國寺南樓

半生雲水恣遨遊覽勝重登百尺樓疊嶂遠排  
晴漢出寒潮遙帶夕陽流鐘聲隱約聞吳越簾  
影依稀拂斗牛喚起悲秋懷古恨斷鴻嘹唳歷滿  
滄洲

喜表兄魏鴻臚見訪

長年靜隱白雲深珂馬勞君遠見尋高誼肯留  
蘇子帶閒情且聽穎師琴清泉白石供遊覽野

鶴孤猿伴嘯吟一自虎溪相送後文光羸得照  
禪林

釋惠榮

攬秀樓為陳思賦

危樓百尺倚青冥面面軒窗列畫屏海擁東南  
天倒白山橫西北地惟青半鈎簾幕宜聽雨獨  
倚闌手可摘星幾度登臨瞻八表恍疑仙籟起

洽洽

釋明秀

日暮

西閣日將夕川原生暮煙遠林歸倦鳥枯葉抱  
寒蟬野岫漁罾外秋風戍壘前故人應念我定  
有尺書傳

田叟贈朱可麓

早起飯黃犢落花春水渾雨中青箬笠溪上白  
雲村食力古莘野全生今鹿門不知城府外何  
處有桃源

寓杭得四兄計

來書開不得落葉聽還驚病眼天涯淚寒門歲  
暮情朔風吹斷雁斜日照荒荆哀痛兼時事東  
歸百感生

登相國寺樓

冬日大梁城郊原四望平雲開太行碧霜落蔡  
河清欲問征西路兼懷弔古情夷門多尚在無  
處覓侯嬴

懷太白山人

階前黃葉堆欲滿湖上白雲閒自來千里秋風

悲斷雁兩峰寒日憶登臺未能明月同移棹想  
見黃花獨舉杯吟徧長松千萬樹南屏落日寺  
門開

中秋汎澱澱湖

人物百年滄海上釣竿裊裊拂珊瑚前峰吹笛  
月在水中流放歌秋滿湖夜靜魚龍迴浦澱天  
低星宿動菰蒲山川勝槩自今昔天柱洞庭還  
有無

顧子重陳南賓沈懋學吳天澤九日勝果



山登高

越王臺上送長歌落日秋風感慨多  
草莽野煙諸寢殿寺門黃葉舊山河  
半江舟楫來鴻雁絕頂罇罍上薜蘿  
此日相逢總陶謝風流文采復如何

釋鈺

過武夷九曲

洞府知君歲月深因朝上國此登臨  
人間九曲應能見海上三山不用尋  
丹室香銷秋瑟瑟玉

簫聲斷月沈沈溪山有待歸來日  
琪樹花開春

滿林

百釋永彝

南屏道中

五月雨聲連六月南屏雲氣擁柴扉  
林巒有穴山精出巖谷無人石燕飛  
詩句偶從行處得家鄉多在夢中歸  
朝來杖策溪南路新水溶溶沒鈞磯

釋本中

送徐行正人材之京

鴻雁來時澤國秋  
西風潮落大江頭  
蒹葭楊柳東西畔  
楓葉蘆花遠近洲  
鍾阜煙霞千嶂出  
蓬萊宮闕五雲浮  
丈夫勲業青冥上  
莫爲思鄉却動愁

和夏尚書登松江百尺樓

百尺危樓勢壓山  
上卿登覽倚朱欄  
海門樹色連天遠  
江口潮聲帶雨寒  
塞雁幾行投晚渚  
沙鷗數點浴晴灘  
錦箋題得瓊瑤句  
身在青冥興未闌

未闌

釋智圓

送僧還四明

遠携瓶錫到金陵  
又逐秋風過四明  
白石清泉懷舊約  
碧雲紅樹動離情  
路從朱雀橋邊去  
舟自丹陽郭裏行  
惆悵客中頻送客  
更堪疎柳暮蟬聲

釋懷海

遊東山

歷代詩選 國朝詩集  
雨餘徐步碧苔新老樹雲封認不真莫道東山  
大家寥廓年年不盡廣陵春

煉丹臺

白石蒼苔路不分  
頰霞紫霧晝氤氳  
爐中煙火  
渾無氣都入蓬萊一片雲

磨劍石

江頭片石星霜老  
古昔曾經礪太阿  
可惜英雄  
收不得年年風雨倩人磨

未闌仙女洞

地骨鑿開雲屋冷  
阿姑曾此絕風塵  
自從月下  
鞭鸞去瑤草空餘洞口春

釋魯山

訪張佩之不遇

幾度尋君不見君  
門前高樹掛斜暉  
踏春馬向  
誰家去一鳥空啼滿地雲

寄王宗器

松下思君獨杖藜  
隴山遙望眼中迷  
書成欲付  
霜前雁却恨南飛不向西

露館送馬公順源不向

蘆溝南去路悠悠十月花冰拍岸流翹首太行

山上月又從今夜照離愁

蕭索去一為空湖海此寒

幾更春草不長深四前高嶺

蕭索風之不數

八縣終山

辨鸞去報草空猶隔日春

散骨鑿開雲星今則故會此

此八下

